



## Concello de Vigo

### D. ABEL LOSADA ÁLVAREZ CONCELLEIRO-SECRETARIO DA XUNTA DE GOBERNO LOCAL DO CONCELLO DE VIGO

**C E R T I F I C O:** Que a Xunta de Goberno Local, na **sesión ordinaria do 18 de marzo de 2021**, adoptou o seguinte acordo:

#### **18.- SUBVENCIÓN NOMINATIVA, MEDIANTE UN CONVENIO COA "ASOCIACIÓN GALEGA AUDIOVISUAL INCLUSIVA, AGAIN" , PARA O FINANCIAMENTO DO FESTIVAL INTERNACIONAL DE CINE INCLUSIVO DE VIGO 2021. EXPTE. 3749/330.**

Visto o informe xurídico do 03/03/21 e o informe de fiscalización do 15/03/21, dáse conta do informe-proposta do 25/02/21, asinado polo xefe do Servizo de Xestión e Promoción Cultural, o concelleiro-delegado de Área e polo concelleiro-delegado de Orzamentos e Facenda, que di o seguinte:

Con data da sede electrónica municipal 28 de xaneiro do 2021, a "Asociación Galega Audiovisual Inclusiva, Again" presenta escrito de solicitude de subvención para o financiamento do Festival Internacional de Cine Inclusivo de Vigo a realizar durante o exercicio 2021; por este motivo, o día 1 de febreiro do 2021, o concelleiro-delegado da Área de Cultura resolveu que por parte desta xefatura se iniciase o expediente de subvención correspondente e asinar un convenio con esta entidade para regulala, polo importe de 5.000 € con cargo á aplicación orzamentaria 3340.480.00.06 do orzamento municipal vixente.

#### ANTECEDENTES.-

A **Asociación Galega Audiovisual Inclusiva (Again)** é unha asociación sen ánimo de lucro constituída no ano 2015 que traballa a prol da accesibilidade no cine. O seu evento máis importante é o Festival de Cine Inclusivo de Vigo que naceu no 2015. O Festival de Cine Inclusivo de Vigo traballa por conseguir que o cine sexa unha arte por e para todas as persoas. Malia a curta idade do festival, ano tras ano, amplíase para conseguir o seu obxectivo principal: facer do cinema unha arte inclusiva.

O Festival naceu para chamar a atención sobre a necesidade de eliminar as barreiras visuais, auditivas e físicas para que os espectadores con algunha discapacidade poidan gozar do cinema co resto do público. Así como para visibilizar a realidade da discapacidade a través da pantalla con presentacións, proxeccións, obradoiros e conferencias.

#### PROGRAMACIÓN DO ANO 2021:

O Festival de Cine Inclusivo de Vigo celebrarase do 12 ao 16 de outubro de 2021 no Auditorio do Concello de Vigo e no Cine Salesianos. Todas as proxeccións serán offline menos a da sección competitiva de webseries inclusivas que será online a través da páxina web do Festival ([www.festivalcinevigo.es](http://www.festivalcinevigo.es)).

#### **As seccións competitivas serán as seguintes:**

- Sección oficial de longas de ficción
- VIG-IN DOC, documentais internacionais
- SHORT-IN DOC, curtametraxes documentais
- Curtametraxes de ficción
- Webseries inclusivas



Copia do documento - Concello de Vigo

Data impresión: 04/07/2024 09:32

Páxina 1 de 15

SUBVENCIONS

CSV: A5A45C-BDAB8F-B15AEH-75ZDAW-LZR5X9-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

**As seccións de actividades paralelas** serán proxeccións, charlas e conferencias para estudantes de bacharelato(Coñece!);para alumnado da Universidade e centros de imaxe e son; para os máis cativos e para os creadores, con Café con CREA e Charla con AGAG na que os creadores debaterán sobre a necesidade de facer o cinema máis accesible.

En canto ás actividades paralelas dependendo da situación sanitaria serán presenciais ou online, a través de webinars como na pasada edición.

A sección "Coñece!" (para escolas) proxectará a serie de Movistar+, "Los Espabilados". Convidarase a Albert Espinosa a dar unha charla dentro desta actividade.

#### **Proxeccións fóra de concurso**

-En canto a proxección fóra de concurso será o filme de ficción "Olvido e León" do director galego Xabier Bermúdez. para facerlle unha homenaxe pola súa carreira da que moitas das súas obras foron inclusivas. Convidarase ao director Xabier Bermúdez e aos actores do filme, entre eles, a viguesa Marta Larralde.

A memoria económica que se achega ao presente convenio, presentada pola ASOCIACIÓN, incorpora o orzamento xeral de gastos do programa obxecto do mesmo, polo importe total de 21.773,45 € (vinteún mil setecentos setenta e tres euros con corenta e cinco céntimos), financiándose coas seguintes achegas:

- Concello de Vigo: 5.000 € (22,96 %)
- AGADIC. Xunta de Galicia: 6.000 € (27,55%)
- Deputación de Pontevedra: 7.000 € (32,14%)
- Entidades privadas, patrocinadores: 3.773,45 € (17,33%)

#### **DOCUMENTACIÓN.-**

Por parte da asociación, presentouse a documentación relativa ao expediente de subvención, que está integrada pola seguinte:

- Proxecto e orzamento da actividade
- Estatutos da Entidade e capacidade do representante legal
- NIF do presidente
- CIF da entidade
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia
- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria
- Declaración de non estar incurso en prohibición para obter subvencións.
- Declaración doutras axudas.
- Declaración responsable de subscribir seguro de responsabilidade civil e de presentar a poliza o recibo de pagamento do dito seguro antes do inicio da actividade.
- Escrito de conformidade co texto do convenio asinado o día 24.02.2021

#### **LEXISLACIÓN APLICABLE.-**

A concesión da subvención que outorgue o Concello de Vigo á "**Asociación Galega Audivosual Inclusiva (Again)**" para o financiamento do Festival Internacional de Cine Inclusivo de Vigo a realizar durante o exercicio 2021 , obxecto do presente convenio, rexirase pola Lei 38/2003 do 17



Copia do documento - Concello de Vigo	Data impresión: 04/07/2024 09:32	Páxina 2 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.

A concesión da subvención directa á "**Asociación Galega Audivosual Inclusiva (Again)**" deberá axustarse ao previsto no art. 22.2 apartados a) e c) da Lei 38/2003 xeral de subvencións, tanto por estar prevista nominativamente no orzamento do Concello de Vigo do 2021, como polo interese público, social e cultural que supón a actividade para a cidade de Vigo; acreditado na concordancia do programa singular a executar, os fins estatutarios da entidade, a súa complementariedade coa actividade cultural organizada polo Concello e marcada diferenza ca oferta doutras entidades, polo cal non procede promover a concorrència para o seu outorgamento.

De acordo co previsto no art. 26.1 da Lei 9/2007, do 13 de xuño, de subvencións de Galicia, os convenios serán o instrumento habitual para canalizar as subvencións previstas nominativamente; polo que se inclúe o correspondente proxecto de convenio na proposta de resolución.

### ÓRGANO DE RESOLUCIÓN E ÁMBITO DE COMPETENCIAS .-

O órgano de goberno para a concesión desta subvención directa é a Xunta de Goberno Local.

O obxecto do expediente corresponde a materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

### FINANCIAMENTO DA SUBVENCIÓN.-

A subvención do Concello de Vigo á "**Asociación Galega Audivosual Inclusiva (Again)**" ten como obxecto financiar a organización do Festival Internacional de Cine Inclusivo de Vigo a realizar durante o exercicio 2021, figurando na aplicación **3340.480.00.06** do orzamento municipal vixente a concesión dunha subvención nominativa por importe de 5.000 €, a favor da devandita entidade.

A subvención do Concello de Vigo á "**Asociación Galega Audivosual Inclusiva (Again)**" é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.

### CONDICIÓNS DE CONCESIÓN DA SUBVENCIÓN

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan no texto de proposta de convenio.

Coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, cos informes xurídico e da Intervención Xeral, faise a seguinte



Copia do documento - Concello de Vigo	Data impresión: 04/07/2024 09:32	Páxina 3 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

## PROPOSTA Á XUNTA DE GOBERNO LOCAL.-

**"PRIMEIRO.-** Aprobado a concesión directa da subvención de 5.000 € (cinco mil euros) á **"Asociación Galega Audiovisual Inclusiva (Again)"**, CIF: G-27854306, para o financiamento do Festival de Cine Inclusivo a realizar durante o exercicio 2021, organizado por esta entidade; e autorizar e dispoñer o devandito gasto con cargo á aplicación orzamentaria 3340.480.00.06 "CONVENIO FESTIVAL DE CINE INCLUSIVO", que figura no orzamento municipal vixente do Concello de Vigo.

**SEGUNDO.-** Que se aprrobe o texto do proxecto de convenio entre o Concello de Vigo e a "Asociación Galega Audiovisual Inclusiva (Again)" que regula o desenvolvemento da subvención outorgada para o financiamento do Festival de Cine Inclusivo 2021.

### **ACORDO**

A Xunta de Goberno local aproba a proposta contida no precedente informe.

### PROXECTO DE CONVENIO DE COLABORACIÓN ENTRE O CONCELLO DE VIGO E "A ASOCIACIÓN GALEGA AUDIOVISUAL INCLUSIVA, AGAIN" PARA O FINANCIAMENTO DO FESTIVAL INTERNACIONAL DE CINE INCLUSIVO DE VIGO 2021

En Vigo, na data da sinatura dixital

### **REÚNENSE**

A Concellería de Cultura (en adiante CONCELLERÍA), e no seu nome e representación, D. Abel Fermín Losada Álvarez, en virtude do seu cargo de concelleiro-delegado da Área de Cultura e Emprego, do Concello de Vigo (CIF P3605700H), para o que foi nomeado polo decreto de delegación de Alcaldía do 18 de xuño do 2019 con enderezo na Praza do Rei nº 1, CP 36202; no exercicio das facultades e demais funcións que lle foron conferidas por razón do seu cargo no decreto de delegación de competencias de data do 26 de xuño do 2019 e 17 de agosto do 2020 e acordo da Xunta de Goberno Local do 5 de novembro do 2020

Doutra, D. Gonzalo Suárez Garayo, na súa condición de presidente da "Asociación Galega Audiovisual Inclusiva, AGAIN" (CIF: G-27854306) (en adiante a ENTIDADE), con enderezo social na rúa Venezuela núm.36-3-esquerda, CP 36203 da cidade de Vigo, actuando en nome e representación da devandita entidade, segundo as facultades que lle outorgan os seus estatutos.

E, actuando dona Susana Gallardo Fariña, en calidade de secretaria da Administración Municipal do Concello de Vigo, dando fe deste acto.

Ámbalas dúas partes teñen plena capacidade para levar adiante este convenio e,

### **MANIFESTAN**

**1.-Que a Asociación Galega Audiovisual Inclusiva (Again)** é unha asociación sen ánimo de lucro constituída no ano 2015 que traballa a prol da accesibilidade no cine. O seu evento máis importante é o



Copia do documento - Concello de Vigo	Data impresión: 04/07/2024 09:32	Páxina 4 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

Festival de Cine Inclusivo de Vigo que naceu no 2015. O Festival de Cine Inclusivo de Vigo traballa por conseguir que o cine sexa unha arte por e para todas as persoas. Malia a curta idade do festival, ano tras ano, amplíase para conseguir o seu obxectivo principal: facer do cinema unha arte inclusiva.

O Festival naceu para chamar a atención sobre a necesidade de eliminar as barreiras visuais, auditivas e físicas para que os espectadores con algunha discapacidade poidan gozar do cinema co resto do público. Así como para visibilizar a realidade da discapacidade a través da pantalla con presentacións, proxeccións, obradoiros e conferencias.

*II.- Que o Concello de Vigo, coñecedor das ditas actividades e accións e no exercicio da súa competencia propia de promoción da cultura, que lle recoñece o artigo 25 da Lei 7/1985, de 2 de abril, reguladora das bases de réxime local, na vixente redacción, dada pola Lei 27/2013, de 27 de decembro, de racionalización e sostibilidade da Administración Local, desexa promover e colaborar economicamente na execución da programación da "Asociación Galega Audiovisual Inclusiva (Again)", como medio que é de promover a cultura inclusiva na cidade.*

*III.- Que con esta finalidade o vixente Orzamento Xeral do Concello de Vigo inclúe na aplicación orzamentaria 3340.480.00.06, como subvención nominativa, a favor da "Asociación Galega Audiovisual Inclusiva (Again)", a cantidade de 5.000 euros.*

*IV.- Que a "Asociación Galega Audiovisual Inclusiva (Again)" non está incurso en prohibición para ser beneficiaria das subvencións obxecto da Lei de subvencións de Galicia, atópase ao corrente das súas obrigas tributarias e coa Seguridade Social, e non ten débedas pendentes co Concello de Vigo, segundo resulta das declaracións responsables e certificacións que figuran no expediente administrativo arriba citado.*

*V.- De acordo co disposto nos artigos 28.1 da Lei 38/2003, de 17 de novembro, xeral de subvencións e 26,1 da Lei 9/2007, o convenio será o instrumento habitual para canalizar as subvencións, polo que as partes acordan asinar o presente convenio de colaboración para regular os termos da súa concesión, que ten como obxecto a organización de devandito programa.*

De conformidade coas anteditas consideracións e dado o interese común das partes asinantes, e co fin de acadar unha maior eficacia na execución das actuacións, é polo que asinan o presente convenio de colaboración de acordo coas seguintes

### CLÁUSULAS

#### PRIMEIRA.- OBXECTO

A través do presente convenio, establécense as condicións polas que se rexerá a colaboración entre a CONCELLERÍA e maila ENTIDADE para a organización do " Festival Internacional de Cine Inclusivo de Vigo " durante o exercicio 2021, que se detalla na documentación achegada pola entidade no presente expediente de aprobación do convenio.

#### SEGUNDA.- PRESUPOSTO E FINANCIAMENTO

A memoria económica que se achega ao presente convenio, presentada pola ASOCIACIÓN, incorpora o orzamento xeral de gastos do programa obxecto do mesmo, polo importe total de 21.773,45 € (vinteún mil setecentos setenta e tres euros con corenta e cinco céntimos), financiándose coas seguintes achegas:

- Concello de Vigo: 5.000 € (22,96 %)
- AGADIC. Xunta de Galicia: 6.000 € (27,55%)
- Deputación de Pontevedra: 7.000 € (32,14%)



Copia do documento - Concello de Vigo	Data impresión: 04/07/2024 09:32	Páxina 5 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- Entidades privadas, patrocinadores: 3.773,45 € (17,33%)

### TERCEIRA.- DATAS E LUGARES DO PROGRAMA

O Festival de Cine Inclusivo de Vigo celebrarase do 12 ao 16 de outubro de 2021 no Auditorio do Concello de Vigo e no Cine Salesianos. Todas as proxeccións serán offline menos a da sección competitiva de webseries inclusivas que será online a través da páxina web do Festival ([www.festivalcinevigo.es](http://www.festivalcinevigo.es)).

#### As seccións competitivas serán as seguintes:

- Sección oficial de longas de ficción
- VIG-IN DOC, documentais internacionais
- SHORT-IN DOC, curtametraxes documentais
- Curtametraxes de ficción
- Webseries inclusivas

**As seccións de actividades paralelas** serán proxeccións, charlas e conferencias para estudantes de bacharelato(Coñece!);para alumnado da Universidade e centros de imaxe e son; para os máis cativos e para os creadores, con Café con CREA e Charla con AGAG na que os creadores debaterán sobre a necesidade de facer o cinema máis accesible.

En canto ás actividades paralelas dependendo da situación sanitaria serán presenciais ou online, a través de webinars como na pasada edición.

A sección "Coñece!" (para escolas) proxeccionará a serie de Movistar+, "Los Espabilados". Convidarase a Albert Espinosa a dar unha charla dentro desta actividade.

#### Proxeccións fóra de concurso

-En canto a proxección fóra de concurso será o filme de ficción "Olvido e León" do director galego Xabier Bermúdez. para facerlle unha homenaxe pola súa carreira da que moitas das súas obras foron inclusivas. Convidarase ao director Xabier Bermúdez e aos actores do filme, entre eles, a viguesa Marta Larralde.

### CUARTA.- OBRIGAS DA ENTIDADE . MECANISMOS DE ASISTENCIA TÉCNICA

- 1.Organizar as actividades a través dun equipo de profesionais dirixidos e/ou supervisados pola ENTIDADE, actuando como interlocutor único ante a CONCELEIRÍA D. Gonzalo Suárez Garayo, presidente da entidade.
- 2.Responsabilizarse da organización integral do programa, difundilo amplamente, dispoñer dos espazos, e solicitar, de ser o caso, os permisos correspondentes para a utilización dos mesmos, solicitude de ocupación de vía pública, cargas e descargas, instalación de elementos, etc.
- 3.Cumprir o programa obxecto da subvención, de acordo co establecido neste convenio e no acordo de concesión, asumindo o aboamento dos gastos relativos á organización da actividade, tanto directos como indirectos (contratacións, produción, dereitos de autor derivados da programación, material de difusión, aluguer e uso de espazos de ser o caso, e demais infraestruturas necesarias para o desenvolvemento efectivo da actividade).
- 4.Cumprir coas obrigas fiscais, así como das disposicións vixentes en materia laboral, de Seguridade Social e de saúde e hixiene no traballo.



Copia do documento - Concello de Vigo	Data impresión: 04/07/2024 09:32	Páxina 6 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

5. Incorporar os anagramas-logotipos do Concello de Vigo na forma que se detalla na cláusula sétima, e comunicar as accións de difusión nas que se deberá facer mención expresa da subvención obxecto deste convenio.
  6. Facilitar á CONCELLERÍA a información necesaria para a difusión do programa a través da páxina “vigocultura.org” e demais canles oficiais.
  7. Comunicar á CONCELLERÍA as modificacións das circunstancias que fundamentasen a concesión da subvención (art.11.d da Lei 9/2007 de subvencións de Galicia), en particular os cambios ou cancelacións de elementos do proxecto de actividades, obtención doutras subvencións, axudas ou recursos que modifiquen o financiamento, no momento en que teña constancia da súa dispoñibilidade ou efectividade, e en todo caso, con anterioridade á xustificación da aplicación dada aos fondos percibidos; co obxecto de determinar a oportunidade da autorización da modificación ou substitución por outros programas, ou ben proceder á redución do importe da subvención concedida ou reintegro.
- A alteración das condicións tidas en conta para a concesión da subvención poderá dar lugar á modificación da resolución de concesión (art.17.3 da citada Lei).
8. A concesión da subvención á ENTIDADE implica a súa aceptación das obrigas sinaladas na resolución de concesión e nas normativas citadas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.
  9. Responsabilizarse fronte a calquera dano que se cause a terceiros con ocasión do desenvolvemento do programa, asumindo a contratación dunha póliza de seguro de responsabilidade civil que atenda calquera accidente ou incidencia que se poida producir en relación ao desenvolvemento do evento. A ENTIDADE entregará á Área de Cultura copia da póliza e do recibo do pagamento correspondente antes do inicio da actividade obxecto de subvención.
  10. Cumprir estrictamente coas medidas que en cada momento establezan a autoridades sanitarias derivadas da COVID.

### QUINTA.- OBRIGAS DA CONCELLERÍA. MECANISMOS DE ASISTENCIA TÉCNICA

1. Realizar o seguimento do desenvolvemento do programa de actividades contempladas neste convenio.
2. Xestionar o pagamento do importe da subvención (5.000 €), tras o cumprimento dos requisitos de xustificación e conformidades necesarias.

### SEXTA.- MECANISMOS DE SEGUIMENTO DA SUBVENCIÓN E DO CONVENIO. UNIDADE XESTORA

Para o bo desenvolvemento do programa obxecto do convenio establecerase unha comisión mixta, integrada polos representantes de cada unha das institucións convenientes, ou persoa na que deleguen, aos que corresponderá o seguimento, interpretación e avaliación das accións derivadas do presente convenio.

O centro xestor da subvención á ENTIDADE é a Área de Cultura do Concello de Vigo, a través do xefe do servizo de Xestión e Promoción Cultural, a quen se informará sobre o desenvolvemento do



Copia do documento - Concello de Vigo	Data impresión: 04/07/2024 09:32	Páxina 7 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

programa, e comunicará os posibles cambios na programación e, especialmente, a súa incidencia nos presupostos que deron motivo á concesión da subvención, por se procedera a súa revisión.

O centro xestor ten a encomenda de comprobación da realización das actividades do proxecto subvencionado e de informar sobre a adecuada xustificación da subvención poñendo de manifesto, expresamente, o cumprimento total do obxecto da subvención ou aquelas circunstancias que imposibiliten a aprobación da xustificación, xunto coa conformidade dos documentos xustificativos presentados.

### **SÉTIMA.- DIFUSIÓN DO CARÁCTER PÚBLICO DO FINANCIAMENTO E DAS ACTIVIDADES DO PROGRAMA**

Calquera que sexa o medio de difusión, a ENTIDADE adoitará as medidas necesarias para publicitar axeitadamente o carácter público do financiamento do programa polo Concello de Vigo, as súas actividades e funcionamento; incorporando os anagrama-logotipo do Concello de Vigo, ademais das lendas indicadas pola Área de Cultura, en particular, no material gráfico editado, na páxina web, nas presentacións públicas, actividades, soportes e demais recursos de difusión e información xeral que se produzan sobre o evento, de acordo coa CONCELLERÍA.

Si no financiamento das actividades ou publicacións interveñen outras entidades distintas do Concello de Vigo, deberá acordarse coa CONCELLERÍA a prelación e características para cada caso.

O deseño gráfico de publicacións e materiais de difusión, deberá ser enviado á Área de Cultura, previamente ás impresións, como mínimo naquelas partes onde figuren as referencias da ENTIDADE, Concello de Vigo e outras entidades que realicen algunha achega ao proxecto subvencionado no seu conxunto polo Concello. O material editado disporá dos depósitos legais correspondentes.

Así mesmo, a ENTIDADE entregará o material de difusión suficiente, tanto para a súa conservación no expediente de subvención, como para a difusión da programación dende a CONCELLERÍA.

A difusión aos medios de comunicación de informacións sobre as actividades programadas (roldas de prensa, difusión de noticias, informacións, traballos, etc) deberá estar previamente comunicada ou acordada coa CONCELLERÍA.

A ENTIDADE comprométese á utilización dunha linguaxe e imaxe non sexista nos materiais de publicidade que se empreguen para a difusión da actividade ou evento. Igualmente comprométese ao emprego de imaxes non estereotipadas e que fagan visible a achega das mulleres nas facetas públicas da sociedade e non só no eido privado ou familiar.

A ENTIDADE facilitará á Área de Cultura, coa antelación suficiente, toda a información sobre o programa nos formatos axeitados, co fin de publicitalo en todos os soportes municipais (web, 010, Vigocultura, etc.).

#### Lingua de difusión e publicacións:

De acordo co establecido na vixente Ordenanza da Normalización Lingüística do Concello de Vigo, a lingua galega é a lingua principal de comunicación; polo tanto, e con carácter xeral, só se considerarán dentro do proxecto e programa subvencionado as publicacións e elementos de difusión e publicidade editados en galego, teñan ou non carácter periódico. A utilización doutras linguas distintas ao galego nas publicacións e difusión quedan sometidas aos acordos particulares coa CONCELLERÍA para que os elementos sexan subvencionables.

### **OITAVA.- PAGAMENTO DA SUBVENCIÓN**



Copia do documento - Concello de Vigo	Data impresión: 04/07/2024 09:32	Páxina 8 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		





## Concello de Vigo

O CONCELLO xestionará o pagamento á ENTIDADE polo importe da subvención outorgada ou resultante, logo da realización das actividades previstas no obxecto deste convenio e entrega do informe final coa rendición da conta xustificativa; previa aprobación da achega pola Xunta de Goberno Local, unha vez asinado o presente convenio por ambas partes, emisión dos informes técnicos, e co conforme do concelleiro-delegado da Área de Cultura.

A xustificación deberá facerse con documentos orixinais pola parte subvencionada e con copias das facturas polo resto do orzamento. Poderase substituír a presentación de copias de facturas polo gasto do proxecto ou actividade non subvencionada pola presentación dun balance que abrangue a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo final foi de XX.XXX euros.

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), A ENTIDADE está obrigada a relacionarse electrónicamente coas Administracións Públicas. Xa que logo, para proceder á xustificación do cumprimento da finalidade para a que se concede a subvención que regula o presente convenio e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na mesma, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da Lei Xeral de Subvencións establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas compulsadas das facturas orixinais en papel.

### Documentación a incluír na conta xustificativa:

- Solicitud de pagamento da subvención tralo remate das actividades e, en todo caso, como límite o 11 de novembro do 2021.
- Acreditar atoparse ao corrente das súas obrigas tributarias coa Axencia Tributaria, Consellería de Facenda da Xunta de Galicia, Tesourería Xeral da Seguridade Social e Concello de Vigo.
- Memoria de execución e avaliación da actividade realizada, que xustificará o cumprimento das condicións impostas e a consecución dos obxectivos, que deberá incluír como mínimo:
  1. Programa con información sobre organización, patrocinio, colaboradores, venda de entradas, etc.
  2. Datos sobre os participantes nas actividades, número e perfil dos asistentes.
  3. Memoria de prensa.
  4. Relación de material gráfico e de difusión contendo os logotipos do Concello de Vigo.
  5. Reportaxe fotográfica.
- Memoria económica contendo o balance detallado coa totalidade dos gastos e ingresos da actividade, con indicación dos acredores, conceptos facturados, datas de emisión e importe; acreditados con documentos orixinais pola parte subvencionada.
- Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia, data de ingreso e a aplicación de tales fondos ás actividades subvencionadas.



Copia do documento - Concello de Vigo	Data impresión: 04/07/2024 09:32	Páxina 9 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- As facturas ordenadas segundo o concepto de gasto a que se atribúen e nas que figure a ENTIDADE como entidade destinataria, deberán recoller o seu número e data, CIF, denominación e domicilio social do emisor, conceptos, importes, IVE, etc. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas nin aquelas que non reúnan as condicións previstas no RD. 1619/2012, de 30 de novembro, polo que se regula o deber de expedir e entregar facturas que incumbe a empresarios e profesionais.
- Nestas facturas computarase o gasto acreditado, deducindo o IVE, agás que xustifique que está exenta de IVE.
- Nas facturas ou nos documentos xustificativos dos gastos non deberá constar de forma expresa que o gasto foi pagado pola entidade beneficiaria con anterioridade á finalización do prazo de xustificación; entendéndose baixo a responsabilidade do beneficiario que o concepto facturado está realizado e conta coa súa conformidade.

Cando a entidade beneficiaria demande a devolución do orixinal presentado para a xustificación da subvención, solicitará a través da unidade xestora da tramitación administrativa do expediente o estampillado (art.73 do regulamento da Lei 38/2003 LXS) da factura orixinal indicando no mesmo o motivo da subvención, así como se o importe do xustificante se imputa total ou parcialmente á subvención recibida, indicándose neste caso o importe exacto que resulte afectado pola subvención. Posteriormente incorporarase ao expediente copia do xustificante orixinal estampillado e a unidade administrativa procederá á devolución do orixinal.

Gastos subvencionables:

Consideraranse gastos subvencionables, os realizados no ano 2021, que respondan directa e indubidablemente á natureza da actividade subvencionada, resulten estritamente necesarios e se realicen dentro do prazo establecido para a execución do proxecto, quedando excluídos os custos indirectos imputables á actividade, os custos de funcionamento ordinario da entidade, os de atencións protocolarias e representativas, e os gastos en inversións e adquisicións de material, equipos e bens de natureza inventariable.

En ningún caso o custo de adquisición dos gastos subvencionables poderá ser superior ao valor de mercado.

Non se contempla a posibilidade de subcontratación dos gastos derivados da execución do programa subvencionado.

Importe total de subvencións ou axudas:

A subvención do Concello á ENTIDADE é compatible con outras subvencións, axudas, ingresos ou recursos para a mesma finalidade procedentes de calquera outra administración ou de entes públicos ou privados, nacionais, da Unión Europea ou de organismos internacionais.

O importe das subvencións ou axudas percibidas pola ENTIDADE para a actividade subvencionada en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade ou obxecto subvencionados (art.17.3 da Lei 9/2007 de subvencións de Galicia).

**NOVENA.- XUSTIFICACIÓN DA SUBVENCIÓN**

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada pola Área de Cultura.



Copia do documento - Concello de Vigo	Data impresión: 04/07/2024 09:32	Páxina 10 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

Os técnicos da Área de Cultura emitirán informe ao respecto facendo constar, no seu caso, todas aquelas circunstancias que poidan resultar relevantes en orde a considerar incumprida ou defectuosamente cumprida a actividade subvencionada.

### **DÉCIMA.- INFORMACIÓN E PUBLICIDADE**

A beneficiaria deberá facilitar toda a información que lle sexa requirida pola CONCELLERÍA e pola Intervención Xeral Municipal, Tribunal de Contas e Consello de Contas, no exercicio das súas funcións de fiscalización e control do destino das subvencións.

O CONCELLO publicará a concesión da subvención no portal de transparencia do Concello e comunicarallo á Base de Datos Nacional de Subvencións para os efectos de dar cumprimento ao disposto nos artigos 18 da LXS e 8.1.c) da Lei 19/2013 de Transparencia, Acceso á Información Pública e Bo Goberno.

### **DÉCIMO PRIMEIRA.- REINTEGRO**

Procederá ao reintegro das cantidades percibidas e a esixencia de xuros de demora desde o pagamento da subvención até a data na que se acorde a procedencia do reintegro nos casos do artigo 33 LSG.

Cando o incumprimento da actividade subvencionada se traduza nunha diminución significativa da actividade subvencionada, traducible a termos económicos en función do proxecto presentado e o seu presuposto que non implique verdadeiro incumprimento do obxectivo da subvención, procederá ao reintegro da subvención na mesma proporción. En todo caso procederá o reintegro do exceso da subvención sobre o custo da actividade subvencionada.

### **DÉCIMO SEGUNDA.- INFRACCIÓN E SANCIÓN**

En canto ás infraccións e sancións en que poida incorrer a beneficiaria da subvención a que se refire este convenio e procedemento para a súa apreciación e imposición, estarase ao disposto no título IV da Lei 9/2007, de 13 de xuño, de subvencións de Galicia, e na Lei 39/2015, do 1 de outubro, do procedemento administrativo común das administracións públicas.

### **DÉCIMO TERCEIRA.- PROTECCIÓN DE DATOS DE CARÁCTER PERSOAL**

A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto do presente convenio, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015, do 1 de outubro, do procedemento administrativo común das administracións públicas e na Lei Orgánica 3/2018, do 13 de decembro, de Protección de Datos Persoais e garantía dos dereitos dixitais, sendo responsable do seu tratamento a Concellería de Cultura.

A beneficiaria poderá exercer os dereitos de acceso, rectificación, cancelación e oposición ante a Concellería de Cultura do Concello de Vigo.

### **DÉCIMO CUARTA.- DEREITOS SOBRE A INFORMACIÓN E TITULARIDADE DOS RESULTADOS**

Os resultados froito deste convenio, tales como documentais, catálogos, estudos, e demais material obtido da realización das actividades programadas, serán de titularidade e de uso común da



Copia do documento - Concello de Vigo	Data impresión: 04/07/2024 09:32	Páxina 11 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

CONCELLERÍA e da ENTIDADE. Os resultados quedarán para futuras edicións e ámbalas dúas partes poderán utilizalo nun futuro indistintamente.

A CONCELLERÍA resérvase o dereito de publicar os resultados, parciais ou finais, obtidos durante a execución do convenio que, en todo caso, terán carácter público.

Calquera transformación dos resultados do programa de colaboración conxunta requirirá o consentimento expreso das partes asinantes do convenio.

#### **DÉCIMO QUINTA.- PARTICIPACIÓN DOS COLABORADORES DA ASOCIACIÓN**

O asinamento deste convenio non implica relación laboral, contractual ou de calquera outra índole entre a ENTIDADE e os profesionais ao seu servizo que vaian desenvolver as actividades previstas, e o Concello de Vigo, de tal xeito que a este non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

#### **DÉCIMO SEXTA.- VIXENCIA**

O presente convenio estenderá a súa vixencia desde a data da súa sinatura até o 31 de decembro do 2021, e non será prorrogable.

#### **DECIMO SÉTIMA.- MODIFICACIÓN, DENUNCIA E RESOLUCIÓN DE CONTROVERSIAS**

Calquera das súas partes asinantes poderá denunciar ou modificar o presente convenio previa notificación escrita cunha antelación mínima de tres meses.

O incumprimento de calquera das obrigas contraídas no presente convenio por unha das partes facultará á outra para resolver o mesmo, quedando automaticamente anulados todos os dereitos correspondentes sobre o obxecto programa de colaboración conxunta, pero non así as obrigas contraídas no mesmo.

Por parte do Concello de Vigo, a Xunta de Goberno Local resolverá as posibles controversias derivadas da execución ou interpretación deste convenio e a CONCELLERÍA queda facultada para adoptar as medidas que contribúan ao seu cumprimento e desenvolvemento.

#### **DÉCIMO OITAVA.- LEXISLACIÓN APLICABLE**

A concesión da subvención obxecto do presente convenio rexeráse pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D.L. 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real decreto-lexislativo 1/1996 do 12 de abril, polo que se aproba o Texto refundido da lei de propiedade intelectual.

En proba de conformidade de canto antecede, asinan por triplicado exemplar o presente documento de convenio no lugar e data arriba indicados.



Copia do documento - Concello de Vigo	Data impresión: 04/07/2024 09:32	Páxina 12 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



ORZAMENTO 2021



Copia do documento - Concello de Vigo	Data impresión: 04/07/2024 09:32	Páxina 13 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

Orzamento detallado e totalizado da actividade obxecto da subvención

Proveedor	Concepto	Importe	Importe con IVE
<b>A. Gastos de difusión e publicidade</b>		<b>2300 €</b>	<b>1.573,00€</b>
<b>B. Alugar sala</b>	Cine Saldadano venres 15 de outubro	650€	706,50€
<b>C. Servizos técnicos</b>			
Betresignos	Intérprete lingua signos (2 xorradas) e mochilas vibratorias	750	907,5
Ciberolasa	Estudio con técnico e locutor para a gravación das audiodescripcións	1200	1540,0
Produtora Islandia	Making of	1260	1524,6
Trailer	Trailer	300	363
A Movida	Técnico de prensa, fotografía	800	960
A Movida	Redes Sociais	400	484
Solismusic Events	Presentacionista	480	580,8
Acomodadores	Acomodadores (con Seguridade Social)	820,59	820,59
MARCO	Técnico para rolda de prensa	100	121
Cristina Martínez	Presentadora Gala entrega premios	500	605
Técnico/ de produción	Organización nas semanas previas	2500	2500
Doas Asomara	Informe económico do Festival	297	359,37
Q-mas ver	Trailer das seccións oficiais	500	605
Almacenamento da web do Festival	iFrame	79,8	96,55
Cambios na web do Festival	Darwin & me	125	151,25
<b>TOTAL</b>		<b>10.192,39 €</b>	<b>11.653,45€</b>
<b>D. Xestión de películas</b>			
MIRW	Envíos e recepción de copias	220	266,2
Proveedores varios	Soportes (Bla-ray, discos duros)	530	641,3
Academia galega do Audiovisual	Conta de socios para visionado de obras audiovisuais	150	150
Dereitos de proxección de filmes		500	605
<b>TOTAL</b>		<b>1.400 €</b>	<b>1662,50 €</b>
<b>E. Substituído</b>			
Helena Fernández Calderón	Substituído curtametraxes	500 €	605,00€
<b>F. Premios e galardóns oficiais</b>			
Meillor curtametraxe	Premio do xurado	500	500
Meillor curtametraxe	Premio do público	200	200
Meillor dirección de curtametraxe		200	200
Meillor guión de curtametraxe		200	200
Meillor documental	Premio do xurado	800	800
Meillor curtametraxe documental	Premio do xurado	300	300
Meillor webserie	Premio do público	300	300
Meillor película	Premio do xurado	800	800
Seipol	Placas estatufias	12,4	15
<b>TOTAL</b>		<b>3.312,5€</b>	<b>3.315,00 €</b>
<b>G. Gastos de viaxes e aloxamentos</b>			
Varios provedores	Aloxamento, transporte, manutención	1000 €	1210,00 €
<b>H. Outros gastos</b>			
	Potocopias, parking, teléfonos, gasolinas	800 €	960,00 €
<b>TOTAL</b>		<b>19.154,89 €</b>	<b>21.773,45 €</b>

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.



Copia do documento - Concello de Vigo	Data impresión: 04/07/2024 09:32	Páxina 14 de 15
SUBVENCIONS	CSV: A5A45C-BDAB8F-B15AEH-75ZDAW-LZR5X9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

CCA/me.

V. e Pr.  
O ALCALDE,  
Abel Caballero Álvarez.



Copia do documento - Concello de Vigo

Data impresión: 04/07/2024 09:32

Páxina 15 de 15

SUBVENCIONS

CSV: A5A45C-BDAB8F-B15AEH-75ZDAW-LZR5X9-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>